



კანონთა და განკარგულებათა კრებულება

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1927 წლის დეკემბრის 1.</p>	<p>№ 21 განყოფილება პირველი</p>	<p>ა/კ. ც. ა. კომიტ. საკანონ- მდებლო კომისიისთან არ- სებული კანონთა გამოქვე- ყნების განყოფილების მიერ გამოცემული.</p>
-----------------------------------	-------------------------------------	---

შ ი ნ ბ ა რ ს ი:

- მუხ. 234. ქალაღდის მრეწველობის ნაკეთობის საბითუმო, ნახევარ-საბითუმო და საცალო გა-
ყიდვისათვის უკიდურესი წანამატის დაწესების შესახებ.
- " 235. ამიერკავკასიის ცენტრალური აღმასრულებელი კომიტეტისა და ა/კსდსრ სახალხო
კომისართა საბჭოს მიერ ქ. შემანისა, გორისა და ახალქალაქის მცხოვრებთათვის სა-
გადასახადო შეღავათების მიცემის თაობაზე გამოცემულ დადგენილებათა განმარტების
შესახებ.
- " 236. სახელმწიფო და კოოპერატიულ საწარმოთა და აგრეთვე სახელმწიფო კაპიტალის
მეტობით მომქმედ სააქციო საზოგადოებათა მექანიკური წარმოების ფენსაცმლის მაქ-
სიმალურ-უკიდურესი ფასებისა და წანამატის შესახებ.
- " 237. საფეიქრო ნაკეთობის საბითუმო საარეისკურანტო ფასების შემცირების შესახებ.
- " 238. ტრაქტორებისათვის გაცემული კეროსინის საბითუმო ფასებზე წანამატის დაწესების
შესახებ.
- " 239. ა/კსდსრ ვაჭრობის სახ. კომისარიატის მიერ ბაზის მრეწველობის ნაკეთობის წანა-
მატის თაობაზე 1927 წ. ივნისის 29-ის თარიღითა და 8 №-ით და ფენსაცმლის ფა-
სების თაობაზე 1927 წ. ივნისის 29-ის თარიღითა და 9 №-ით გამოცემულ დადგენი-
ლებათა ძალაში შესვლის შესახებ.
- " 240. კეროსინის ცალობითი გაყიდვისათვის უკიდურესი წანამატის დაწესების შესახებ.
- " 241. მომხმარებელ საზოგადოებათა და მათ კავშირთა წესდებების რეგისტრაციის წესის
შესახებ.
- " 242. სახელმწიფო ბიუჯეტზე მყოფ დაწესებულებათა საეციალური სახსარის შესახებ.

საქართველოს სახკომსაბჭოს საქმეთა მმართველობის სტამბა.
მთავლიტი № 530. დაიბეჭდა 800.

დადგენილება № 8 აქსფსრ ვაჭრობის სახალხო კომისარიატისა.

(სამრეწვე და სასურსათო საქონლას სამმართველო)

1927 წლის ივნისის 29.

234. ქალღლის მრეწველობის ნაკეთობის საბითუმო, ნახევარ-საბითუმო და ცალობითი გაყიდვისათვის უკიდურესი წანამატის დაწესების შესახებ.

ა/კ. ცენტრალური აღმასრულებელი კომიტეტის მიერ ა/კსფსრ „ვაჭრობის სახალხო კომისარიატის დროებითი დებულების შესახებ“ 1924 წლის ივნისის 26-ის თარიღით გამოცემული დადგენილების მე-3 მუხლის „გ“ პუნქტისა და საკავშირო ვაჭრობის სახალხო კომისარიატის ა/წ. აპრილის 1-ს დადგენილების თანახმად—ა/კ. ვაჭრობის სახალხო კომისარიატი, ა/კსფსრ შინა-ვაჭრობის სახალხო კომისარიატის 1925 წლის ოქტომბრის 16-ის თარიღისა და 2/65 №-ის დადგენილების გასაუქმებლად,—ადგენს:

1. ქალღლის მრეწველობის ნაკეთობის სატრანზიტო გაყიდვისათვის დაწესებულ იქნეს შემდეგი მაქსიმალურ-უკიდურესი წანამატი:

ა) როდესაც ნაკეთობას გაჰყიდის ცენტრალური ქალღლის ტრესტი, უკრაინის ქალღლის ტრესტი, ლენინგრადის ქალღლის ტრესტი, პოლესიის ქალღლის ტრესტი, ჩრდილო-დასავლეთის ტყის ტრესტი და კამა-ურალის ქალღლის ტრესტი თავისი წარმომადგენლობისა, კონტორისა, სააგენტოს და განყოფილების მეშვეობით—არა უმეტეს 1%-სა (2%-ის ნაცვლად);

ბ) როდესაც ნაკეთობას გაჰყიდის საოლქო მასშტაბის კოოპერატიული კავშირი—არა უმეტეს 1,25%-სა;

გ) როდესაც ნაკეთობას გაჰყიდის რესპუბლიკანური კოოპერატიული ცენტრი—არა უმეტეს—1,5%-სა.

შენიშვნა „ბ“ და „გ“ პუნქტისა. როდესაც საქონელი ტრანზიტით კოოპერატიული სავაჭრო ქსელის ერთი საფეხურიდან მეორეში გადადის—შეიძლება დადებულ იქნეს მხოლოდ სატრანზიტო წანამატი (ან საოლქო მასშტაბის კოოპერატიული კავშირისა, ან რესპუბლიკანური ცენტრის მიერ).

დ) როდესაც ნაკეთობას გაჰყიდის სახელმწიფო სავაჭრო ორგანიზაცია—არა უმეტეს 3,75%-სა.

შენიშვნა. პუნქტი ესე გავრცელდება როგორც სახელმწიფო ვაჭრობის სამმართველოებზე, ისე სპეციალურ ორგანიზაციებზე, რომელნიც გამომცემლობათა მომარაგებას ეწევიან. აღნიშნულ სპეციალურ ორგანიზაციათა სიას დააწესებენ ამიერკავკასიის ვაჭრობის სახალხო კომისარიატის რწმუნებულები ადგილობრივ.

2. ქალაღდის მრეწველობის ნაკეთობის საბითუმო ვაჭრობისათვის საწყობებში დაწესებულ იქნეს შემდეგი მაქსიმალურ-უკიდურესი წანამატი:

ა) როდესაც ნაკეთობას გაჰყიდიან ამა დადგენილების 1-ლი მუხლის „ა“ პუნქტში ჩამოთალილი ტრესტები თავის განყოფილებათა საწყობებიდან—არა უმეტეს 3,5%-ისა (12%-ის ნაცვლად);

ბ) როდესაც ნაკეთობას გაჰყიდის საოლქო მასშტაბის კოოპერატიული კავშირი—არა უმეტეს 5%-ისა (18%-ის ნაცვლად);

გ) როდესაც ნაკეთობას გაჰყიდის რესპუბლიკანური კოოპერატიული ცენტრი—არა უმეტეს 5,5%-ისა;

დ) როდესაც ნაკეთობას გაჰყიდის სახელმწიფო ვაჭრობის სამმართველო და სპეციალური ორგანიზაცია, რომელიც გამომცემლობის მომარაგებას ეწევა (იხ. ამა დადგენილების 1-ლი მუხლის „დ“ პ.)—არა უმეტეს 6%-ისა.

3. ქალაღდის მრეწველობის ნაკეთობის ნახევარ-საბითუმო ვაჭრობისათვის დაწესებულ იქნეს შემდეგი მაქსიმალურ-უკიდურესი წანამატი:

ა) როდესაც ნაკეთობას გაჰყიდიან ამა დადგენილების 1-ლი მუხლის „ა“ პუნქტში ჩამოთვლილი ტრესტები თავის განყოფილებათა საწყობებიდან—არა უმეტეს 5,5%-ისა;

ბ) როდესაც ნაკეთობას გაჰყიდის სხვა სახელმწიფო ვაჭრობისა და კოოპერატიული ორგანიზაცია და აგრეთვე სპეციალური ორგანო, რომელიც გამომცემლობის მომარაგებას ეწევა,—არა უმეტეს 12%-ისა.

4. როდესაც ქალაღდის მრეწველობის ნაკეთობას ცალობით გაჰყიდის სახელმწიფო ვაჭრობის სამმართველო, კოოპერატიული და სპეციალური ორგანიზაცია, რომელიც გამომცემლობათა მომარაგებას ეწევა, და აგრეთვე თვით გამომცემლობა: ა) ქალაქად—არა უმეტეს 25%-ისა და ბ) სოფლად—არა უმეტეს 35%-ისა.

5. ამა დადგენილებით დაწესებული წანამატები შეფარდებულ არ უნდა იქნეს საგაზეთო ქალაღდის გაყიდვის დროს, რაც უნდა გაიცეს ყოველგვარი წანამატის დაურიცხველად თვითღირებულების ფასად ფრანკო-საზღვარი ან ქარხანა, ნამდვილი სატრანსპორტო ხარჯების დარიცხვით ქალაღდის რელიზაციის ადგილზე მიტანისას.

6. დაწესებულ იქნეს ქალაღდის მრეწველობის ნაკეთობის ვაჭრობისათვის ა/კფსრ ფარგალში შემდეგი გრადაცია საბითუმო, ნახევარ-საბითუმო, ცალობითი და წვრილ-ცალობითი გაყიდვისა: საბითუმო გაყიდვა—1.000 მანეთზე მეტი ღირებულების ნაკეთობის გაყიდვა; ნახევარ-საბითუმო—50 მანეთიდან 1.000 მანეთამდე; ცალობითი—1 დასტიდან 50 მანეთამდე; წვრილ-ცალობითი—1 დასტიამდე.

შენიშვნა. გაყიდვის კატეგორია (საბითუმო, ნახევარ-საბითუმო) განისაზღვრება გარიგების თანხით, იმისდა მიუხედავად, ერთი ხარისხის ქალაღდია ვაცემული, თუ რამდენიმე ხარისხისა.

7. მაქსიმალურ-უკიდურესი წანამატის დაწესება ქალაღდის მრეწველობის ნაკეთობის წვრილ-ცალობითი (1 დასტაზე ნაკლები) ვაჭრობისათვის როგორც

ქალაქად, ისე სოფლად, დაევალოს ამიერკავკასიის ვაჭრობის სახალხო კომისარიატის რწმუნებულებს ადგილობრივ; ამასთანავე ეს წანამატი სათანადო ფაბრიკის ფასებზე არ უნდა აღემატებოდეს სოფლად 50%-ს და ქალაქად 30%-ს.

8. ამა დადგენილებით გათვალისწინებული ყველა წანამატი დაერიცხება საკავშირო ვაჭრობის სახალხო კომისარიატის მიერ დამტკიცებულ საბითუმო საგასაცემო ფასის ფრანკო-ფაბრიკის საწყობი.

9. ყოველგვარი ტრანსპორტის ხარჯი და აგრეთვე ტრანსპორტთან დაკავშირებული დატვირთვა-გადმოტვირთვის ხარჯი გამოიანგარიშება მათი ნამდვილი ღირებულების მიხედვით და ჩაირიცხება საქონლის საბოლოო ფასში იმ წანამატის ზედმეტად, რაც ამა დადგენილებითაა დაწესებული.

10. ამა დადგენილების მე-9 მუხლით გათვალისწინებული ხარჯების ნამდვილი რაოდენობის დაწესება დაევალოს ამიერკავკასიის ვაჭრობის სახალხო კომისარიატის რწმუნებულებს ადგილობრივ.

11. ქალაქის მრეწველობის იმ ნაკეთობის გაყიდვის დროს, რომელიც გადამუშავებულ იქნა (დაჭრა, დახაზვა და სხვ.),—გადამუშავების ნამდვილი ღირებულება საქონლის საბოლოო ღირებულებას დაერიცხება.

12. დადგენილება ესე გაერტყელდება აგრეთვე წინადადებულ ხელშეკრულებისა და გარიგების იმ ნაწილზე, რომლის მიხედვითაც საქონელი ამა დადგენილების გამოქვეყნებამდე ჩაუბარებელია.

13. ამიერკავკასიის ვაჭრობის სახალხო კომისარიატის რწმუნებულებს ა/კსტსრ შედგენილობაში შემავალ ცალკე რესპუბლიკებში დაევალებათ თვალყური ადევნონ ამა დადგენილების სისწორით შესრულებას.

14. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

15. დადგენილება ესე ძალაში შედის დღიდან მისი გამოქვეყნებისა.

ა/კსტსრ ვაჭრობის სახალხო კომისარი ბეკზადიანი.

სამრეწვე. და სასურსათო სამმართველოს უფროსი ნოვიკოვი.

საქმეთა მმართველი გნატიუკი.

გამოქვეყნებულია „ზარია ვოსტოკა“-ს 1629 №-ში 1927 წ. ნოემბრის 18-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ ქალაქ შემახისა, გორისა და ახალქალაქის მცხოვრებთათვის საგადასახადო შეღავათების მიცემის თაობაზე გამოცემულ დადგენილებათა განმარტების შესახებ.

235. ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ ქალაქ შემახისა, გორისა და ახალქალაქის მცხოვრებთათვის საგადასახადო შეღავათების მიცემის თაობაზე გამოცემულ დადგენილებათა განმარტების შესახებ.

ამიერკავკასიის ცენტრალური აღმასრულებელი კომიტეტის ადგენს:

განმარტებულ იქნეს, რომ სიტყვა „შენობა“, რაც აღნიშნულია ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ—ქალ. შემახის მცხოვრებთათვის, მშენებლობის განსავითარებლად, საგადასახადო შეღავათის მიცემის შესახებ გამოცემული დადგენილების (ა/კსფსრ კან. კრებ. 1925 წ. № 6, მუხ. 440) 1-ლი მუხლის ტექსტში, ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ—მიწისძვრისაგან დაზარალებულ ქ. გორის მცხოვრებთათვის, მშენებლობის განსავითარებლად, საგადასახადო შეღავათის მიცემის შესახებ გამოცემული დადგენილებისა (ა/კსფსრ კან. კრებ. 1925 წ. № 10, მუხ. 501) და ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს მიერ—ქ. ახალქალაქის მცხოვრებთათვის საგადასახადო შეღავათის მიცემის შესახებ გამოცემული დადგენილების (ა/კსფსრ კან. კრებ. 1926 წ. № 4, მუხ. 621) ტექსტში,—გულისხმობს საცხოვრებელ შენობას.

ა/კ. ცენტრ. აღმასრ. კომიტეტის თავმჯდომარე ს. აღამალი-ოღლი.

ა/კ. ცენტრალური აღმასრ. კომიტეტის მდივანი ა. შავერდოვი.

ტფილისი-სასახლე. 1927 წ. ნოემბრის 15.

გამოქვეყნებულია „ზარია ვოსტოკა“-ს 1630 №-ში 1927 წ. ნოემბრის 19-ს.

დადგენილება № 9 აკსფსრ ვაჭრობის სახალხო კომისარიატისა

(სამრეწველო და სასურსათო საქანდის სამმართველო).

1927 წ. იანვრის 29.

236. სახელმწიფო და კოოპერატიულ საწარმოთა და აგრეთვე სახელმწიფო კაპიტალის მეტობით მომქმედ სააქციო საზოგადოებათა მექანიკური წარმოების ფებსაცმლის მაქსიმალურ-უკიდურესი ფასებისა და წანამატის შესახებ.

ამიერკავკასიის ცენტრალური აღმასრულებელი კომიტეტის მიერ „აკსფსრ შინავაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ის თარიღით გამოცემული დადგენილების მე-3 მუხლის „გ“ პუნქტისა და საკავშირო ვაჭრობის სახალხო კომისარიატის ამა წლის აპრილის 5-ის თარიღის დადგენილების თანახმად—ამიერკავკასიის ვაჭრობის სახალხო კომისარიატი, აკსფსრ შინავაჭრობის სახალხო კომისარიატის ამა წლის მარტის 22-ის თარიღისა და 12/127 №-რის დადგენილების გასაუქმებლად, ადგენს:

1. დაწესებულ იქნეს შემდეგი მაქსიმალურ-უკიდურესი საბითუმო წანამატი (უფრახტოთ) პირველი ხარისხის ფებსაცმელზე მრეწველობის უკიდურესი საგასაცემო ფასების პრეისკურანტისათვის, მიუხედავად გარიგების თანხისა, რომელი პრეისკურანტიც დამტკიცებულია საკავშირო ვაჭრობის სახ. კომისარიატის მიერ ამა წლის აპრილის 5-ს:

ა) სრულიად საკავშირო ტყავის სინდიკატისათვის, როდესაც იგი ფებსაცმელს ცენტრალურ სახელმწიფო და კოოპერატიულ ორგანიზაციებს (საკავშირო, რესპუბლიკანური და საოლქო მასშტაბის) მიჰყიდის, გარიგების თანხის მიუხედავად:

სატრანზიტო ოპერაციების წესისამებრ (3⁰/₀-ის ნაცვლად)—1,5⁰/₀;

როდესაც ფებსაცმელი სრულიად საკავშირო ტყავის სინდიკატისა და მის განყოფილებათა (კონტორა და ბაზა) საწყობებიდან გაიყიდება (5,5⁰/₀-ის ნაცვლად)—4,5⁰/₀;

როდესაც სინდიკატი ფებსაცმელს სხვა ორგანიზაციებს მიჰყიდის სატრანზიტო ოპერაციების წესისამებრ (4⁰/₀-ის ნაცვლად)—2,25⁰/₀;

როდესაც ფებსაცმელი სრულიად საკავშირო ტყავის სინდიკატისა და მის განყოფილებათა (კონტორა და ბაზა) საწყობებიდან გაიყიდება (6,5⁰/₀-ის ნაცვლად)—5,25⁰/₀;

შენიშვნა. სასაწყობო ოპერაციების რიცხვის შემცირებისა და ფებსაცმლის ფასების მაქსიმალური დაკლების მიზნით დაევალოს სრულიად საკავშირო ტყავის სინდიკატს გააძლიეროს ფებსაცმლის სატრანზიტო

წესით გაყიდვა; ამასთანავე ტყევის სინდიკატმა სატრანზიტო წესით უნდა გასცეს 60% მანძი იმ ფეხსაცმლებისა, რომლის რეალიზაციასაც იგი აწარმოებს.

ბ) მოკავშირე რესპუბლიკანური და საოლქო სახელმწიფო ვაჭრობისა და კოოპერატიული ორგანიზაციებისათვის, როდესაც ისინი ფეხსაცმელს მისცემენ თავის პერიფერიას როგორც სატრანზიტო წესით, ისე სრულიად საკავშირო ტყევის სინდიკატისა და მის განყოფილებათა (კონტორა და ბაზა) საწყობებიდან, ფეხსაცმლის მიმღების მისამართით—0,75% (1%-ის ნაცვლად).

როდესაც ზემოდ ჩამოთვლილი სახელმწიფო ვაჭრობისა და კოოპერატიული ორგანიზაციები გაჰყიდიან ფეხსაცმელს, რაც მათ უშუალოდ ტრესტებისაგან (ფაბრიკებისაგან) სატრანზიტო წესით საწყობებში და ქარხნებში იყიდეს,—0,75% (4%-ის ნაცვლად).

გ) ამა დადგენილების 1-ლი მუხლის „ა“ და „ბ“ პუნქტებში ჩამოთვლილი ორგანიზაციები სათანადო პუნქტებით გათვალისწინებული წანამატის დარიცხვას აწარმოებენ ისე, რომ არაერთარ ხარჯს (ფრახტის გარდა) არ დაადებენ თავის კონტრაგენტებს ან მყიდველებს; გარიგების საბირჟო, საღერბო და სხვა გამოსაღები შეიძლება დაედოს კონტრაგენტს ან მყიდველს არა უმეტეს 50%-ის რაოდენობისა; ამასთანავე ამა დადგენილების „ბ“ პუნქტში აღნიშნულ კოოპერატიულ შენაერთებს უფლება არა აქვთ გადაახდევინონ რაიმე ანარიცხი თავის მოწილადეს გენერალური ხელშეკრულების დადების დროს.

2. სახელმწიფო ვაჭრობისა და კოოპერაციის მიერ ფეხსაცმლის ნახევარ-საბითუმო ვაჭრობისათვის დაწესებულ იქნეს შემდეგი მაქსიმალურ-უქიდურესი წანამატი (უფრახტოთ) პირველი ხარისხის ფეხსაცმლის მრეწველობის უქიდურესი საგასაცემო ფასების პრეისკურანტზე, რომელი პრეისკურანტიც დამტკიცებულია საკავშირო ვაჭრობის სახ. კომისარიატის მიერ ამა წლის აპრილის 5-ს:

ა) როდესაც ფეხსაცმელი მიეცემა სახელმწიფო ვაჭრობას და კოოპერაციას—6% (8%-ის ნაცვლად);

ბ) როდესაც ფეხსაცმელი მიეცემა კერძო, ცალობით მოვაჭრეს—8% (10%-ის ნაცვლად).

3. ამა დადგენილების 1 და 2 მუხლით დაწესებულ წანამატში შეტანილია ფრახტის ღირებულება 1500 ვერსის მანძილზე ფეხსაცმლის წარმოების ადგილიდან; რკინის გზისა და წყალსაველი გზის ფრახტი აღნიშნული 1500 ვერსზე მეტი მანძილისათვის საქონლის რეალიზაციის ადგილამდე და აგრეთვე ჰაპან-ზიდის ტრანსპორტის ხარჯი (შინა-საქალაქო გადაზიდვის ხარჯის გარდა) დაერიცხება ფეხსაცმლის საბოლოო საგასაცემო ფასს მათი ნამდვილი რაოდენობის მიხედვით.

4. სახელმწიფო ვაჭრობისა და კოოპერაციის მიერ ფეხსაცმლის ცალობით გაყიდვა ქალაქად მოხდება პირველი ხარისხის ფეხსაცმლის ცალობითი პრეისკურანტის თანახმად, რომელი პრეისკურანტიც დამტკიცებულია საკავშირო ვაჭრობის სახ. კომისარიატის მიერ ამა წლის აპრილის 5-ს, ხოლო დაემატება ნამდვილი ღირებულება:

ა) რკინისგზისა და წყალსავალი გზის ფრაქტისა 1500 ვერსზე მეტი მანძილისათვის ფეხსაცმლის წარმოების ადგილიდან რელიზაციის ადგილამდე და
ბ) ჰაპანზიდვის ტრანსპორტისა (შინა-საქალაქო გადაზიდვის გარდა).

5. კოოპერატიული ორგანიზაციების მიერ ფეხსაცმლის ცალობით გაყიდვა სოფლად მოხდება ამა დადგენილების მე-4 პუნქტში აღნიშნული პრეის-კურანტის თანახმად, მაქსიმალურ-უკიდურესი წანამატი 3⁰/₁₀-ის რაოდენობით, ხოლო ფეხსაცმლის საბოლოო სავასაცემო ფასს დაემატება ნამდვილი ღირებულება:

ა) რკინის გზისა და წყალსავალი გზის ფრაქტისა 1500 ვერსზე მეტი მანძილისათვის ფეხსაცმლის წარმოების ადგილიდან რელიზაციის ადგილამდე და
ბ) ჰაპანზიდვის ტრანსპორტისა (შინა-საქალაქო გადაზიდვის გარდა).

6. წინადადება მიეცეს ამიერკავკასიის ვაჭრობის სახალხო კომისარიატის რწმუნებულებს საქართველოს სოც. საბჭ. რესპუბლიკასა, აზერბაიჯანის სოც. საბჭ. რესპუბლიკასა და სომხეთის სოც. საბჭ. რესპუბლიკაში დააწესონ წანამატი და უკიდურესი ფასები ფეხსაცმლის კერძო ცალობით მოვაჭრეთა მიერ ცალობით გაყიდვისათვის როგორც ქალაქად, ისე სოფლად.

7. ამა დადგენილების მე-3, 4 და 5 მუხ. გათვალისწინებული რკინის გზისა, წყალსავალი გზისა და ჰაპანზიდვის ტრანსპორტის ფრაქტის ნამდვილი რაოდენობის დაწესება დაევალოს ამიერკავკასიის ვაჭრობის სახ. კომისარიატის რწმუნებულებს საქართველოს სსრ-სა, აზერბაიჯანის სსრ-სა და სომხეთის სს რესპუბლიკაში.

შენიშვნა. რკინის გზისა და წყალსავალი გზის ფრაქტის ზედნართის რაოდენობა განისაზღვრება თითოეული ტრესტის ფეხსაცმლის გადაზიდვის ნამდვილი ღირებულების მიხედვით ცალკე; სხვადასხვა ტრესტების ფეხსაცმლის ფრაქტისათვის საშუალო-წონითი ზედნართის დაწესება არ შეიძლება.

8. კოოპერატიულ და სახელმწიფო ვაჭრობის ორგანიზაციას აეკრძალება შესცვალოს ფეხსაცმლის ის სახელწოდება და ნუმერაცია, რაც აღნიშნულია საკავშირო ვაჭრობის სახ. კომისარიატის მიერ ამა წლის აპრილის 5-ს დამტკიცებულ პრეისკურანტში.

9. საკავშირო ვაჭრობის სახ. კომისარიატის მიერ დამტკიცებულ ფეხსაცმლის პრეისკურანტში შეტანილია მთლად საფუთავი მასალისა, ზონარისა და კოლოფების ღირებულება, გარდა სანდალისა და ხბოს ტყავის ფეხსაცმლისა, რომლის ფასშიაც შეტანილია მხოლოდ საფუთავი მასალის (ტარა და ჩაფუთვა) ღირებულება.

10. დაევალოს ტყავის სინდიკატს, სახელმწიფო და კოოპერატიულ წარმოებითი და სავაჭრო საწარმოთ ფეხსაცმლის გაყიდვის დროს შეიტანონ თავის კონტრაგენტებთან დადებულ ხელშეკრულებასა და გარიგებაში შემდეგი პირობა:
ა) ფეხსაცმლის ვაჭრობა ა/კსფსრ-ში უნდა სწარმოებდეს ამიერკავკასიის ვაჭრობის სახ. კომისარიატისა და მისი ადგილობრივი ორგანოების დადგენილებათა სრული დაცვით;

ბ) ზედმიწევნით უნდა იქნეს შესრულებული შრომისა და თავდაცვის საბჭოს 1926 წ. ივლისის 2-ის თარიღის დადგენილება (კან. კრებ. 1926 წ. № 51, მუხ.

374), რის ძალითაც არ შეიძლება ფეხსაცმელი იმ სავაჭრო ორგანიზაციას მიეყიდოს, რომელიც საქონლის ნორმალური მოძრაობის ფარგალს გარედ იმყოფება, და აგრეთვე არ შეიძლება საქონლის ბითუმად გაყიდვა იმ სახელმწიფო და კოოპერატიული ორგანიზაციის მიერ, რომელიც, თავის წესდების თანახმად, ვალდებულია საცალო ვაჭრობა აწარმოოს.

11. წინადადება მიეცეს ა/კსფსრ ტერიტორიაზე მომქმედ ყველა სავაჭრო ორგანიზაციას, რომელიც ფეხსაცმლის ვაჭრობას ეწევა, ფეხსაცმელი კერძო, ცალკობით მოვაჭრეებს მისცეს მხოლოდ იმ პირობით, უკეთეს ამ უკანასკნელთაგან მიღებულ იქნება გარანტია, რომ ფეხსაცმლის გაყიდვის დროს მათ მიერ დაცულ იქნება უკიდურესი ფასები და წანამატი, რასაც დააწესებენ ამიერკავკასიის ვაჭრობის სახ. კომისარიატის რწმუნებულები ადგილობრივ.

12. წინადადება მიეცეს სახელმწიფო ვაჭრობისა და კოოპერატიულ ორგანიზაციებს და აგრეთვე სახელმწიფო კაპიტალის მეტობით მომქმედ სააქციო საზოგადოებათ ფეხსაცმლის ვაჭრების დროს აღნიშნონ ანგარიშსა და ფაქტურაში:

ა) ტყავის მრეწველობის საბითუმო-სავასაცემო ფასი და

ბ) ამა თუ იმ მოვაჭრე ორგანიზაციის სავასაცემო ფასი, ამ ორგანიზაციისათვის დაწესებული სავაჭრო წანამატისა და ფრაზტის ღირებულების (ჯამი) აღნიშვნით.

13. ყველა სახელმწიფო და კოოპერატიულ წარმოებითი საწარმოს და აგრეთვე სახელმწიფო კაპიტალის მეტობით მომქმედ სააქციო საზოგადოებას უფლება აქვს ცალკობით გაჰყიდოს ფეხსაცმელი ცალკობით ფასებში მხოლოდ თავისი ცალკობითი ვაჭრობის მაღაზიიდან ან თავისი სავაჭრო დაწესებულების სპეციალური ცალკობითი განყოფილებიდან, ხოლო იმ პირობით, რომ იმ განყოფილებაში საბითუმო ვაჭრობა არ სწარმოებდეს.

14. დადგენილება ესე გავრცელდება აგრეთვე წინადადებაზე დადებულ ხელშეკრულებისა და გარიგების იმ ნაწილზე, რომლის მიხედვითაც საქონელი ამა დადგენილების გამოქვეყნებამდე ჩაუბარებელია.

15. ამიერკავკასიის ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაევალება თვალყური ადევნონ ამა დადგენილების სისწორით შესრულებას.

16. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ.

17. დადგენილება ესე ძალაში შედის დღიდან მისი გამოქვეყნებისა.

ა/კსფსრ ვაჭრობის სახალხო კომისარი **ბეკუაძიანი.**

სამრეწვე. და სასურ. საქონლის სამმართ. უფროსი **ნოვიკოვი.**

საქმეთა მმართველი **გნატიუკი.**

გამოქვეყნებულია „ზარია ვოსტოკა“-ს 1630 №-ში 1927 წ. ნოემბრის 19-ს.

დადგენილება № 12 აკსუსრ ვაჭროვის სახალხო კომისარიატისა.

(სამრეწველო და სასურსათო საქონლის სამართველო).

237. საფეიქრო ნაკეთობის საბითუმო საპრეისკურანტო ფასების შემცირების შესახებ.

(ძალაში შევიდა 1927 წ. ივლისის 30-დან).

ამიერკავკასიის ცენტრალური აღმასრულებელი კომიტეტის მიერ „ზინა-ვაჭრობის სახ. კომისარიატის დროებითი დებულების შესახებ“ 1924 წ. ივნისის 26-ის თარიღით გამოცემული დადგენილების მ-3 მუხ. „გ“ პუნქტისა და საკავშირო ვაჭრობის სახ. კომისარიატის ამა წლის ივლისის 15-ის თარიღისა და 157 №-ის დადგენილების საფუძველზე—ამიერკავკასიის ვაჭრობის სახ. კომისარიატი, თავისი, ამა წლის მარტის 2-ის თარიღისა და 7/122 №-ის, დადგენილების დასამატებლად, ადგენს:

1. შემცირებლ იქნეს სინდიკატად გაერთიანებული ტრესტების ბაზმის ნაკეთობის საბითუმო-საგასაცემო ფასი ამა წლის თებერვლის 15-ის თარიღის პრეისკურანტის მიხედვით, საშუალოდ 4,14⁰/₁₀₀-ის რაოდენობით.

აღნიშნული საშუალო პროცენტი განწილებულ იქნეს ნაკეთობათა ცალკე ჯგუფების მიხედვით შემდეგნაირად:

ა) ჩიათულის ჯგუფისათვის—10⁰/₁₀₀; ბ) მიტკალ-ნარმის ჯგუფისათვის—10⁰/₁₀₀; გ) სათეთრელო ნარმისათვის—1,45⁰/₁₀₀; დ) სადემისეზონო-სატანისამოსო ჯგუფისათვის—1,67⁰/₁₀₀; საზაფხულო—სატანისამოსო ჯგუფისათვის—1,8⁰/₁₀₀; საზამთრო—სატანსაცმელო ჯგუფისათვის—3,48⁰/₁₀₀; სადა შეღებილი სატანსაცმელო ჯგუფისათვის—3,38⁰/₁₀₀; დაჩითული სატანსაცმელო ჯგუფისათვის—3,77⁰/₁₀₀; სპეციალური ქრელი ქსოვილისათვის—2,73⁰/₁₀₀; სასარჩულო ქრელი ქსოვილისათვის—1,04⁰/₁₀₀; ქრელი ქსოვილისათვის ნაჭრობით—1,76⁰/₁₀₀; აზიური ქრელი ქსოვისათვის—1,24⁰/₁₀₀;—სრულიად საკავშირო საფეიქრო სინდიკატის მიერ ფასის წასამატებლად—0,6⁰/₁₀₀.

2. ამა დადგენილების 1-მუხლში აღნიშნული ფასების შემცირების საფუძველზე შედგენილი და საკავშირო ვაჭრობის სახ. კომისარიატის მიერ ამა წლის ივლისის 15-ის თარიღით დამტკიცებული პრეისკურანტი სრულიად საკავშირო საფეიქრო სინდიკატის საბითუმო საგასაცემო ფასებისა იმ ბაზმის ნაკეთობაზე, რასაც ამჟამად სინდიკატად გაერთიანებული ტრესტები, შემოღებულ იქნეს ა/კფსრ-ში:

ა) საბითუმო გარიგების დროს სახელმწიფო და კოოპერატიულ ორგანიზაციებთან და დაწესებულებებთან ამა წლის ივლისის 15-დან; ამასთანავე პრეისკურანტის მოქმედება გავრცელდეს ყველა წინად დადებული გარიგების იმ ნაწილზე, რომლის მიხედვითაც საქონლის პარტია აღნიშნული ვადისათვის ჩაუბარებელია;

ბ) ყველა წვრილ-საბითუმო ოპერაციის დროს სახელმწიფო და კოოპერატიულ ორგანიზაციებთან და დაწესებულებებთან—ამა წლის აგვისტოს 1-დან;

გ) ყველა გარიგების დროს კერძო პირებთან — ამა დადგენილების ძალაში შესვლის მომენტიდან.

შენიშვნა. ამა დადგენილების მე-2 მუხლში აღნიშნული პრეისკურანტი ამასთანავე დართულია.

3. სინდიკატად გაერთიანებული ტრესტი და სახელმწიფო და კოოპერატიული ორგანიზაცია და დაწესებულება ვალდებულია, უკეთეს სახელმწიფო ვაჭრობისა და კოოპერატიულ ორგანიზაციებს ამა წლის ივლისის 15-დან მისცემს იმ ბაზმის ქსოვილს, რომელიც ამა დადგენილების მე-2 მუხლით გათვალისწინებულ პრეისკურანტში არ შესულა და რომელიც ამა წლის ივლისის 14-ს შემდეგ იქნება ტრესტის საწყობში და საქონლის გამტარებელ ქსელში, დააწესოს მონაკლები საკაშირო ვაჭრობის სახ. კომისარიატის მიერ დამტკიცებული საბითუმო ფასებისათვის, რაც ამა წლის თებერვლის 15-მდე მოქმედებდა, 9%-ის რაოდენობით.

4. სრულიად საკავშირო საფეიქრო სინდიკატის მიერ საფეიქრო ნაეთობის უშუალოდ ფაბრიკიდან გაცემის დროს სინდიკატის სასარგებლოდ ზედნართის გადახდევინება, 0,85%-ის რაოდენობით, გაუქმებულ იქნეს.

5. სახელმწიფო ვაჭრობისა და კოოპერატიულ ორგანიზაციებს დაევალებათ ბაზმის მანუფაქტურის ცალკობითი ფასები ა/კსფსრ-ში შეამცირონ ამა დადგენილების მე-2 და მე-3 მუხლის თანახმად ამა წლის აგვისტოს 25-დან.

6. ყველა სახელმწიფო ვაჭრობისა და კოოპერატიული ორგანიზაცია, რომელიც ბაზმის მანუფაქტურის გამტარებელია, — მოვალეა, ამა დადგენილების მე-2 და მე-3 მუხ. მიხედვით, სათანადოდ შეასწოროს აღნიშნულ ქსოვილთა ნაჭრების იარლიკები:

ა) საბითუმო და წვრილ-საბითუმო ვაჭრობისათვის ამა წლის აგვისტოს 1-დან;

ბ) ცალკობითი ვაჭრობისათვის — ამა წლის აგვისტოს 25-დან.

7. ამიერკავკასიის ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ რესპუბლიკებში დაევალებათ თვალყური ადევნონ ამა დადგენილების სისწორით შესრულებას.

8. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

ა/კსფსრ ვაჭრობის სახალხო კომისარი **ბეკზადიანი.**

სამრეწველო და სასურსათო საქონლის

სამმართველოს უფროსი **ნოვიკოვი.**

საქმეთა მმართველი **გნატოუკი.**

გამოქვეყნებულია „ზარია ვოსტოკა“-ს 1632 №-ში 1927 წ. ნოემბრის 22-ს.

დადგენილება № 18 აკსფსრ ვაჭრობის სახალხო კომისარიატისა.

(სამრეწველო და სასურსათო საქონლის სამმართველო).

238. ტრაქტორებისათვის გასაცემი კეროსინის საბითუმო ფასებზე წანამატის დაწესების შესახებ.

(ძალაში შევიდა 1927 წ. სექტემბრის 6-დან).

ამიერკავკასიის ცენტრალური აღმასრულებელი კომიტეტის მიერ „აკსფსრ შინა-ვაჭრობის სახ. კომისარიატის დროებითი დებულების შესახებ“ 1924 წლის ივნისის 26-ის თარიღით გამოცემული დადგენილების მე-3 მუხ. „გ“ პუნქტისა, სსრკ ვაჭრობის სახალხო კომისარიატის 1927 წ. აპრილის 1-ის თარიღისა და აგვისტოს 1-ის თარიღის დადგენილებათა და ამიერკავკასიის სახალხო კომისართა საბჭოს განმკარგულებელი სხდომის მიერ აკსფსრ სოფლის მეურნეობაში მომუშავე ტრაქტორებისათვის აქციზ-მოხსნილი ნავთის პროდუქტების გაცემის შესახებ მიღებული დადგენილების (1927 წ. აპრილის 6-ის სხდომა, ოქ. № 12) თანახმად—ამიერკავკასიის ვაჭრობის სახ. კომისარიატი აღდგენს:

1) კოოპერატიული და სახელმწიფო ორგანიზაციების მიერ ტრაქტორებისათვის კეროსინის ცალობით გაყიდვის დროს როგორც დუქნებიდან, ისე ნავთის საწყობებიდან (საკუთარი ან იჯარით აღებული კოოპერაციისა და სახელმწიფო ვაჭრობის მიერ),—დაწესებულ იქნეს შემდეგი უკიდურესი წანამატი აზერბაიჯანის ნავთის ვაჭრობის სამმართველოს საბითუმო-სავაჭრო ფასებზე უაქციზოდ:

ა) იმ ადგილისათვის, რომელიც სარეზერვუარო საწყობიდან ან საბითუმო გაცემის ადგილიდან 25 კილომეტრამდე მანძილზე მდებარეობს,—13⁰/₁₀₀;

ბ) იმ ადგილისთვის, რომელიც სარეზერვუარო საწყობიდან ან საბითუმო გაცემის ადგილიდან 50 კილომეტრამდე მანძილზე მდებარეობს,—13,5⁰/₁₀₀;

გ) იმ ადგილისათვის, რომელიც სარეზერვუარო საწყობიდან ან საბითუმო გაცემის ადგილიდან 50 კლმ. მეტ მანძილზე მდებარეობს,—15⁰/₁₀₀.

შენიშვნა. ამა დადგენილების 1-ლი მუხლით დაწესებულ წანამატს დაერიცხება ჰაპანზიდვით მიტანის ღირებულება სარეზერვუარო საწყობიდან ან საბითუმო გაყიდვის ადგილიდან ცალობითი ვაჭრობის ადგილამდე, ხოლო არა უმეტეს იმ ნორმისა, რაც დაწესებულია აკსფსრ ვაჭრობის სახ. კომისარიატის რწმუნებულთა მიერ.

2) აკსფსრ ვაჭრობის სახ. კომისარიატის რწმუნებულებს აკსფსრ შედგენილობაში შემავალ ცალკე რესპუბლიკებში დაევალებათ დააწესონ კეროსინის ჰაპანზიდვით მიტანის ხარჯის უკიდურესი ნორმები, რისთვისაც უნდა განსაზღვრონ ფუთი-ვერსის საშუალო ღირებულება, ტარის დაბრუნებით, იმისდა მიუხედავად, რა დრო იქნება წლისა.

3) წინადადება ეძლევათ ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში, ამა დადგენილების 1-ლი და მე-2 მუხლის მიხედვით, შეიმუშაონ და გამოაქვეყნონ კეროსინის კონკრეტული ცალობითი ფასები, როდესაც იგი ტრაქტორებისათვის იყიდება, რისთვისაც საწყვე ერთეულად ერთი ლიტრი უნდა მიიღონ.

4) შემოღებულ იქნეს, როგორც წესი, რომ აზერბაიჯანის ნავთის ვაჭრობის სამმართველოს საბითუმო საწყობებსა და ცალობითი ვაჭრობის პუნქტებს შორის უნდა იყოს მხოლოდ ერთი საშუალებო პუნქტი.

5) ამა დადგენილებით დაწესებული წინამატი მაქსიმალურად უკიდურესია და მისი შეცვლა, შემცირების მხრით, შეუძლიან მხოლოდ ა/კსფსრ ვაჭრობის სახ. კომისარიატის რწმუნებულებს ადგილობრივ მოვაჭრე კოოპერატიულ და სახელმწიფო ორგანიზაციებთან შეთანხმებით.

6) წინადადება მიეცეს ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაავალონ ყველა კოოპერატიული და სახელმწიფო ორგანიზაციას, რომელიც კეროსინის საბითუმო და ცალობითი გაცემას აწარმოებს ტრაქტორებისათვის, იხელმძღვანელოს ამიერკავკასიის სახალხო კომისართა საბჭოს 1927 წ. აპრილის 6-ის განმკარგულებელი სხდომის დადგენილება (ოქმი № 12) „ა/კსფსრ სოფლის მეურნეობაში მომუშავე ტრაქტორებისათვის აქციზ-მოხსნილი ნავთის პროდუქტების გაცემის წესის შესახებ“ და შრომისა და თავდაცვის საბჭოს 1925 წ. ივლისის 4-ის თარიღის დადგენილება „სოფლის მეურნეობაში მომუშავე ტრაქტორებისათვის ნავთის სათბობისა და ნავთის პროდუქტების საშეღაათო პირობებით გაცემის შესახებ“ (კან. კრებ. 1925 წ. № 49, მუხ. 369).

7. ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაევალებათ თვალყური ადევნონ ამა დადგენილების სისწორით შესრულებას.


8. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

ა/კსფსრ ვაჭრობის სახალხო კომისარი ბეკზადიანი.

სამრეწვე. და სასურს. საქონლის სამმართ. უფრ. ნოვიკოვი.

საქმეთა მმართველი გნატიუკი.

გამოქვეყნებულია „ზარია ვოსტოკა“-ს 1633 №-ში 1927 წ. ნოემბრის 23-ს.



დადგენილება № 26 სსსფსრ ვაჭრობის სახალხო კომისარიატისა.

1927 წ. ნოემბრის 22.

239. ა/კსფსრ ვაჭრობის სახ. კომისარიატის მიერ ბამბის მრეწველობის ნაკეთობის წანამატის თაობაზე 1927 წ. ივნისის 29-ის თარიღითა და მე-8 №-ით და ფეხსაცმლის ფასების თაობაზე 1927 წ. ივნისის 29-ის თარიღითა და მე-9 №-ით გამოცემულ დადგენილებათა ძალაში შესვლის შესახებ.

ა/კსფსრ ვაჭრობის სახალხო კომისარიატის მიერ „ბამბის მრეწველობის ნაკეთობის საბითუმო, ნახევარ-საბითუმო და ცალობითი გაყიდვისათვის უკიდურესი წანამატის დაწესების შესახებ“ 1927 წ. ივნისის 29-ის თარიღითა და მე-8 №-ით გამოცემული დადგენილების მე-15 მუხლისა და „სახელმწიფო და კოოპერატიულ საწარმოთა და სახელმწიფო კაპიტალის მეტობით მომქმედ სააქციო საზოგადოებათა მექანიკური წარმოების ფეხსაცმლის მაქსიმალურ-უკიდურესი ფასებისა და წანამატის დაწესების შესახებ“ 1927 წ. ივნისის 29 თარიღითა და მე-9 №-ით გამოცემული დადგენილების მე-17 მუხლის შესაცვლელად—ა/კსფსრ ვაჭრობის სახ. კომისარიატი ადგენს: აღნიშნული დადგენილებანი ძალაში შესულად ჩაითვალოს 1927 წ. ივნისის 20-დან.

ა/კსფსრ ვაჭრობის სახალხო კომისრის მოადგილე **ვაჯინსკი.**

ა/კსფსრ ვაჭრობის სახ. კომისარიატის საქ. მმართველი **გნატუკი.**

გამოქვეყნებულია „ზარია „ვოსტოკა“-ს 1633 №-ში 1927 წ. ნოემბრის 23-ს.

დადგენილება № 19 სსსფსრ ვაჭრობის სახალხო კომისარიატისა.

(სამრეწველო და სასურსათო საქანდაის სამმართველო).

1927 წ. სექტემბრის 6.

240. კროსინის ცალობითი გაყიდვისათვის უკიდურესი წანამატის დაწესების შესახებ.

ამიერკავკასიის ცენტრალური აღმასრულებელი კომიტეტის მიერ „ა/კსფსრ შინა-ვაჭრობის სახ. კომისარიატის დროებითი დებულების შესახებ“ 1924 წ. ივნისის 26-ის თარიღით გამოცემული დადგენილების მე-3 მუხლის „გ“ პუნქტ-

ტისა და სსრკ ვაჭრობის სახალხო კომისარიატის 1927 წ. აპრილის 1-ლის თარიღის დადგენილების საფუძველზე, ამიერკავკასიის ვაჭრობის სახალხო კომისარიატი, — ამიერკავკასიის შინა-ვაჭრობის სახ. კომისარიატის 1925 წ. ივლისის 30-ის თარიღისა და 50 №-ის დადგენილების იმ ნაწილის შესაცვლელად, რაც კეროსინის ცალობითი ფასებს შეეხება, და ამიერკავკასიის შინა-ვაჭრობის სახ. კომისარიატის 1926 წ. ოქტომბრის 13-ის თარიღისა და 54-110 №-ის დადგენილების გასაუქმებლად, — ადგენს:

1. დაწესებულ იქნეს კეროსინის შემდეგი უკიდურესი წანამატი, როდესაც იგი ცალობით გაიყიდება კოოპერატიული და სახელმწიფო ორგანიზაციების საწყობებიდან:

- ა) იმ ადგილისათვის, რომელიც სარეზერვუარო საწყობიდან ან საბითუმო გაცემის ადგილიდან 25 კილომეტრამდე მანძილზე მდებარეობს, — 10,75%;
- ბ) იმ ადგილისათვის, რომელიც სარეზერვუარო საწყობიდან ან საბითუმო გაცემის ადგილიდან 50 კილომეტრამდე მანძილზე მდებარეობს, — 11%;
- გ) იმ ადგილისათვის, რომელიც სარეზერვუარო საწყობიდან ან საბითუმო გაცემის ადგილიდან 50 კილმ. მეტ მანძილზე მდებარეობს, — 12,5%.

შენიშვნა 1. დაწესებული უკიდურესი წანამატი გამოიანგარიშება საბითუმო-საგასაცემო ფასზე აქციზის ჩარიცხვით.

შენიშვნა 2. ამა დადგენილების 1-ლი მუხლით დაწესებულ უკიდურეს წანამატს დაერიცხება ჰაპანზიდვით გადატანის ღირებულება კეროსინის საბითუმო გაცემის ადგილიდან ან სარეზერვუარო საწყობიდან ცალობითი გაყიდვის ადგილამდე, ხოლო არა უმეტეს იმ ნორმისა, რასაც დააწესებენ ა/კსფსრ ვაჭრობის სახ. კომისარიატის რწმუნებულები.

2. ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაევალებათ დააწესონ კეროსინის ჰაპანზიდვით გადატანის ხარჯის უკიდურესი ნორმები, რისთვისაც უნდა განსაზღვრონ ფუთი-ვერსის საშუალო ღირებულება, ტარის დაბრუნებით, ამისდა მიუხედავად, რადრო იქნება წლისა.

3. წინადადება ეძლევა ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში, ამა დადგენილების 1-ლი და მე-2 მუხლის მიხედვით, შეიმუშაონ და გამოაქვეყნონ კონკრეტული ცალობითი ფასები, რისთვისაც საწყევ ერთეულად ერთი ლიტრი უნდა მიიღონ.

4. ვაჭრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაევალებათ მიიღონ სახელმძღვანელო ქვემო-აღნიშნული ნუსხა და იმ ხარჯების ელემენტთა რაოდენობა, რაც შეადგენს ამა დადგენილების 1-ლი მუხლით დაწესებულ უკიდურეს წანამატს:

ზედნადები ხარჯი (სამუშაო ხელფასი, სადგომის შენახვა, გადასახადი, გამოსაღები და სხვ.).

დანალვარი გადაზიდვის დროს. დანალვარი ჩამოსხმის დროს.

ტარის ამორტიზაცია და რემონტი.

მოგება:

25 კილომეტრამდე	50 კილომეტრამდე	50 კილმ. მეტი
7 ⁰ / ₀	7 ⁰ / ₀	8 ⁰ / ₀
0,75 ⁰ / ₀	1 ⁰ / ₀	1,5 ⁰ / ₀
0,5 ⁰ / ₀	0,5 ⁰ / ₀	0,5 ⁰ / ₀
1,5 ⁰ / ₀	1,5 ⁰ / ₀	1,5 ⁰ / ₀
1 ⁰ / ₀	1 ⁰ / ₀	1 ⁰ / ₀

შენიშვნა. ა/კსფსრ ვაქრობის სახ. კომისარიატის რწმუნებულებს უფლება აქვთ შეეფასონ ხარჯების ზემოაღნიშნული ნორმები მათი რაც შეიძლება მეტი შემცირებისათვის, ხოლო ტარის ამორტიზაციისა და რემონტის ნორმები არ უნდა შეიცვალოს.

5. შემოღებულ იქნეს, როგორც წესი, რომ აზერბაიჯანის ნავთის ვაქრობის სამმართველოს საბითუმო საწყობებსა და ცალობითი პუნქტებს შორის მხოლოდ ერთი საშუალებო პუნქტი უნდა იყოს.

6. ვაქრობის სახ. კომისარიატის რწმუნებულებს ა/კსფსრ შედგენილობაში შემავალ ცალკე რესპუბლიკებში დაევალებათ თვალყური ადევნონ ამა დადგენიბის სისწორით შესრულებას.

7. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაქრობის წესების დარღვევისათვის.

8. დადგენილება ესე ძალაში შედის 1927 წ. სექტემბრის 6-დან.

ა/კსფსრ ვაქრობის სახალხო კომისარი ბეკუაღიანი.

სამრეწ. და სას. საქონლის სამმ. უფროსი ნოვიკოვი.

საქმეთა მმართველი გნატიუკი.

გამოქვეყნებულია „ზარია ვოსტოკა“-ს 1635 №-ში 1927 წ. ნოემბრის 25-ს.

დადგენილება № 55 აქსფსრ სახალხო კომისართა საბჭოსი.

241. მომხმარებელ საზოგადოებათა და მათ კავშირთა წესდების რეგისტრაციის წესის შესახებ.

სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს მიერ სამომხმარებლო კოოპერაციის შესახებ 1924 წლის მაისის 20-ის თარიღით გამოცემული დეკრეტის (მთავრობის „ვესტნიკ“-ი 1924 წ. მე-5 №-რი, მუხ. 172) მე-13 მუხლის თანახმად—ა/კსფსრ სახალხო კომისართა საბჭო ადგენს:

1. ა/კსფსრ ვაქრობის სახალხო კომისარიატის რწმუნებულთა სამმართველოებთან საქართველოს სოც. საბჭ. რესპუბლიკასა, სომხეთის სოც. საბჭ. რეს-

პუბლიკასა და აზერბაიჯანის სოც. საბჭ. რესპუბლიკაში, აგრეთვე ა/კსდსრ ვაჭრობის სახალხო კომისარიატის რწმუნებულის (საქართველოს სოც. საბჭ. რესპუბლიკაში) წარმომადგენელთან აფხაზეთში დაარსდება კომისიები მომხმარებელ საზოგადოებათა წესდებების რეგისტრაციისათვის შემდეგი შედეგნილობით: თავმჯდომარე, რომელსაც დანიშნავს ვაჭრობის სახალხო კომისარიატის ადგილობრივი ორგანო და ორი წევრი, რომელთაგან ერთს წარგზავნის მომხმარებელ კოოპ. საზოგადოებათა კავშირი, სარეგისტრაციო კომისიის სამყოფელი ადგილის მიხედვით, და ერთს—პროფესიონალურ კავშირთა ადგილობრივი საბჭო ან ბიურო.

ა/კსდსრ ვაჭრობის სახალხო კომისარიატთან დაარსდება მომხმარებელი საზოგადოებების კავშირთა წესდებების სარეგისტრაციო ცენტრალური კომისია შემდეგი შედეგნილობით: თავმჯდომარე, რომელსაც დანიშნავს ა/კსდსრ ვაჭრობის სახალხო კომისარიატი, და ორი წევრი, რომელთაგან ერთს წარგზავნის ამიერკავკასიის მომხმ. კოოპერ. საზ. კავშირი და მეორეს—ამიერკავკასიის პროფ. კავშირთა საბჭო.

ცენტრალური კომისიის კომპეტენციაში შედის, გარდა ყველა საფეხურის მომხმარებელ საზოგადოებათა კავშირების რეგისტრაციისა, აგრეთვე იმ მომხმარებელ საზოგადოებათა რეგისტრაცია, რომელთა მოქმედების რაიონიც სცილდება ა/კსდსრ შედეგნილობაში შემავალი ერთ-ერთი რესპუბლიკის ფარგალს, ხელმძღვანელობის გაწევა სამომხმარებლო საზოგადოებათა წესდებების სარეგისტრაციო კომისიების მუშაობისათვის და განხილვა ამ კომისიების დადგენილებათა გამო მიღებული საჩივრებისა და პროტესტებისა.

შენიშვნა. სამომხმარებლო საზოგადოებათა და მათ კავშირთა წესდებების რეგისტრაცია, ამა დადგენილების თანახმად, მოხდება მიუხედავად მათ სავაჭრო და სამრეწველო საწარმოთა სავაჭრო რეგისტრაციისა, რაც სწარმოებს სავაჭრო რეგისტრაციის დებულების მიხედვით(სსრ კავშირის კან. კრებ. 1927 წ. № 57, მუხ. 579).

2. სარეგისტრაციო კომისიის რეესტრებისა და საქმეების მიმოხილვა შეუძლიან ყველა მსურველს.

3. რეგისტრაციის შესახებ წარდგენილი განცხადებისათვის და აგრეთვე რეგისტრაციასთან დაკავშირებით შეტანილი სხვა ქალაქისათვის საღერბო და საკანცელარო გამოსაღები გადახდები არ უნდა იქნეს.

4. სამი დღის განმავლობაში იმ დღიდან, როდესაც კომისია მიიღებს დადგენილებას ამა თუ იმ ორგანიზაციის რეგისტრაციის შესახებ და აგრეთვე წესდების შეცვლისა და დამატების თაობაზე რეესტრში შენიშვნის გაკეთების შესახებ,—რეესტრში შეტანილ უნდა იქნეს სათანადო ჩანაწერი.

5. კომისიის დადგენილება ორგანიზაციის წესდების რეგისტრაციისა ან რეესტრში წესდების ცვლილებისა და დამატების აღნიშვნის შესახებ და აგრეთვე რეგისტრაციაზე უარის თქმის შესახებ ეცნობება იმ ორგანიზაციას, რომლის შუამდგომლობის მიხედვითაც მიღებულ იქნა დადგენილება.

უკეთეს კომისია ერთი თვის განმავლობაში არ მიიღებს დადგენილებას რეგისტრაციისა ან რეგისტრაციაზე უარის თქმის შესახებ, სათანადო ორგანიზა-

ცია რეგისტრაციაქმნილად ჩაითვლება და იგი დაუყოვნებლივ შეტანილ უნდა იქნეს რეესტრში.

6. კომისიას შეუძლიან უარი უთხრას კოოპერატიულ ორგანიზაციას წესდების რეგისტრაციაზე მხოლოდ იმ შემთხვევაში, უკეთუ ორგანიზაციის წესდება, წესდებაში შესატანი ცვლილება ან დამატება, ან და სამომხმარებლო საზოგადოების დამფუძნებელთა შედგენილობა მომქმედ კანონთა მოთხოვნას არ შეეფერება, ან უკეთუ ახლად მოსაწყობი ან მომქმედი სამომხმარებლო საზოგადოების წევრთა რიცხვი არ შეეფერება იმ ნორმებს, რაც დაწესებულია ადგილობრივ სამომხმარებლო საზოგადოებათა კავშირების მიერ—სამომხმარებლო კოოპერაციის შესახებ—1924 წლის მაისის 20-ის თარიღით გამოცემული დეკრეტის მე-5 მუხლის თანახმად.

7. ერთი თვის განმავლობაში კომისიისგან შეტყობინების მიღების დღიდან განცხადების შემტან ორგანიზაციას შეუძლიან შეიტანოს საჩივარი ან განაცხადოს პროტესტი ცენტრალურ კომისიაში, ხოლო ცენტრალური კომისიის დადგენილების გამო იმავე ვადაზე—ა/კსფსრ ვაჭრობის სახალხო კომისარიატის კოლეგიაში. საჩივარი და პროტესტი შეიტანება იმ კომისიის მეშვეობით, რომელმაც დადგენილება გამოიტანა; კომისია ვალდებულია სამი დღის განმავლობაში წარმართოს საჩივარი ან პროტესტი საქმითა და თავისი ახსნა-განმარტებით დანიშნულებისამებრ.

პროტესტის უფლება ეკუთვნის:

1. სამომხმარებლო საზოგადოებათა სარეგისტრაცია კომისიის დადგენილებათა გამო—ქალაქისა და მაზრის აღმასრულებელ კომიტეტსა და სამომხმარებლო საზოგადოებათა კავშირს, რეგისტრაციაში გასატარებელი ორგანიზაციის გამგეობის სამყოფელი ადგილის მიხედვით, თანახმად მისი წესდებისა;

2. ცენტრალური კომისიის დადგენილების გამო—იმ რესპუბლიკის ეკონომიურ თათბირს, რომლის ტერიტორიაზედაც რეგისტრაციაში გასატარებელი ორგანიზაციის გამგეობა იმყოფება, თანახმად მისი წესდებისა, და ამიერკავკასიის სამომხ. კოოპ. საზ. კავშირს;

8. ცენტრალური კომისია, ხოლო სათანადო შემთხვევაში—ა/კსფსრ ვაჭრობის სახალხო კომისარიატის კოლეგია ვალდებულია განიხილოს საჩივარი ან პროტესტი ორი კვირის განმავლობაში საქმის მიღების დღიდან.

ცენტრალური კომისიის (ან ა/კსფსრ ვაჭრ. სახ. კომისარიატის კოლეგიის) გადაწყვეტილება სამი დღის განმავლობაში ეცნობება დაინტერესებულ მხარეს.

9. კომისიებს უფლება ეძლევათ ზედამხედველობა გაუწიონ ამ კომისიებში რეგისტრაციაქმნილ ორგანიზაციების მიერ კოოპერატიული პრინციპების განხორციელებას, რისთვისაც მათ შეუძლიანთ დააკისრონ სათანადო სამომხმარებლო საზოგადოებათა კავშირებს აღნიშნული ორგანიზაციების რევიზია.

უკეთუ აღმოჩნდება, რომ ამა თუ იმ ორგანიზაციამ წესდებაში აღნიშნულ მიზანს გადაუხვია იმ მიმართულებით, რაც სახელმწიფოს ინტერესებს ეწინააღმდეგება, კომისია წარმართავს სათანადო მოხსენებას ორგანიზაციის ლიკვიდაციის შესახებ იმ წესით, რაც გათვალისწინებულია—სამომხმარებლო კოოპერა-

ციის თაობაზე—1924 წლის მაისის 20-ის თარიღით გამოცემული დეკრეტის მე-16 მუხლის „დ“ პუნქტში.

10. ამა დადგენილების გამოქვეყნებისას სამომხმარებლო კოოპერაციის ორგანოებში ან სხვა ორგანოებში რეგისტრაციაქმნილ სამომხმარებლო საზოგადოებათა და მათ კავშირთა წესდებებს ხელახლად უნდა გაუყეთდეს რეგისტრაცია ამა დადგენილებით განსაზღვრული წესისამებრ.

11. სამომხმარებლო კოოპერატიული ორგანიზაციების ხელახალი რეგისტრაცია უნდა დამთავრდეს 1928 წლის მაისის 1-სათვის. ის ორგანიზაცია, რომლის წესდებასაც, ამა დადგენილების წესისამებრ, 1928 წლის მაისის 1-სათვის რეგისტრაცია არ გაუყეთდება, ლიკვიდაცია უნდა ექნეს.

12. ა/კსფსრ ვაჭრობის სახალხო კომისარიატს დაევალება გამოსცეს, ერთი თვის ვადაზე, ამიერკავკასიის სამომხმ, კოოპ. საზ. კავშირთან და ამიერკავკასიის პროფ. კავშირთა საბჭოსთან შეთანხმებით, ინსტრუქცია ამა დადგენილების შეფარდებისათვის.

ა/კსფსრ სახ. კომისართა საბჭოს თავმჯდომარე შ. ელიავა.

ა/კსფსრ სახ. კომისართა საბჭ. საქ. მმართველი ნ. სოკოლოვსკი.

ტფილისი-სასახლე. 1927 წ. ნოემბრის 17.

გამოქვეყნებულია „ზარია ვოსტოკა“-ს 1638 №-ში 1927 წ. ნოემბრის 29-ს.

დადგენილება ამიერკავკასიის ცენტრალური აღმასრულებელი კომისარიატისა და ამსფსრ სახალხო კომისარიატსა და ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისარიატის საბჭოს მიმართ.

242. სახელმწიფო ბიუჯეტზე მყოფ დაწესებულებათა სპეციალური სახსარის შესახებ.

სსრ კავშირის ცენტრალური აღმასრულებელი კომიტეტისა და სახალხო კომისარიატის საბჭოს მიერ—სახელმწიფო ბიუჯეტზე მყოფ დაწესებულებათა სპეციალური სახსარის შესახებ—1927 წ. მარტის 23-ის თარიღით გამოცემული დადგენილების (კან. კრებ. 1927 წ. № 16, მუხ. 173) მე-10 მუხლის თანახმად—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარიატის საბჭო აღგენენ:

1. სპეციალურ სახსრად ითვლება სახელმწიფო ბიუჯეტზე მყოფი დაწესებულების იმ შემოსავლისაგან შემდგარი თანხა, რაც, საკანონმდებლო ორგანოების ცალკე დადგენილების თანახმად, შეიძლება დაწესებულებამ დახარჯოს აღნიშნული დადგენილებით გათვალისწინებული მიზნისათვის ერთიანი სახელმწიფო ბიუჯეტის საშემოსავლო და საგასავლო ნაწილში გაუტარებლად.

2. ა/კსფსრ ფედერატიულ ბიუჯეტზე მყოფ დაწესებულებას უფლება—იქონიოს სპეციალური სახსარი—მიეცემა ა/კსფსრ სახალხო კომისარიატის საბჭოს სპეციალური დადგენილებით.

ა/კსფსრ შედგენილობაში შემავალი რესპუბლიკების ბიუჯეტზე მყოფ დაწესებულებებს უფლება — იქონიონ სპეციალური სახსარი — მიეცემათ ა/კსფსრ სახალხო კომისართა საბჭოს მიერ, სათანადო რესპუბლიკის სახალხო კომისართა საბჭოს წარდგენისამებრ.

შენიშვნა. ა/კსფსრ სახალხო კომისართა საბჭოს დადგენილება, რომლის ძალითაც ამა თუ იმ დაწესებულებას, ამა დადგენილების გამოქვეყნებამდე, უფლება მიეცა — სპეციალური სახსარი იქონიოს — ძალაში დარჩება.

3. ა/კსფსრ ერთიან სახელმწიფო ბიუჯეტზე მყოფ გაერთიანებულ და არა-გაერთიანებულ უწყებათა დაწესებულებანი თითოეული სახის სპეციალური სახსარისათვის ყოველწლიურად შეადგენენ ხარჯთაღრიცხვას როგორც შემოსავლისა, ისე გასავლის დარგში და წარუდგენენ ა/კსფსრ ფინანსთა სახალხო კომისარიატს ან ა/კსფსრ შედგენილობაში შემავალი რესპუბლიკების ფინანსთა სახალხო კომისარიატებს — კუთვნილისამებრ; ეს ხარჯთაღრიცხვები წარდგენილ უნდა იქნეს სათანადო უწყების სახელმწიფო ბიუჯეტის ხარჯთაღრიცხვის დანართის სახით ან ხარჯთაღრიცხვისათვის ერთად.

4. ა/კსფსრ ფინანსთა სახალხო კომისარიატი განიხილვას და დამტკიცებს ფედერატიულ ბიუჯეტზე მყოფ დაწესებულებების სპეციალურ სახსარის ხარჯთაღრიცხვებს ამ უწყებებთან შეთანხმებით.

შენიშვნა. ა/კსფსრ-სა და მის შედგენილობაში შემავალი რესპუბლიკების ფინანსთა სახალხო კომისარიატების დაწესებულებათა სპეციალურ სახსარის ხარჯთაღრიცხვებს დამტკიცებს ა/კსფსრ ფინანსთა სახალხო კომისარიატი, ა/კსფსრ მუშათა და გლეხთა ინსპექციის სახალხო კომისარიატთან შეთანხმებით.

5. ა/კსფსრ შედგენილობაში შემავალი რესპუბლიკების ბიუჯეტზე მყოფ დაწესებულებათა სპეციალური სახსარის ხარჯთაღრიცხვებს განიხილვენ და დამტკიცებენ ამ რესპუბლიკათა ფინანსთა სახალხო კომისარიატები დაინტერესებულ უწყებების მონაწილეობით; აღნიშნული ხარჯთაღრიცხვები წარედგინება სათანადო სახალხო კომისართა საბჭოებს და, რესპუბლიკის სახელმწიფო ბიუჯეტთან ერთად, გაიგზავნება ა/კსფსრ სახალხო კომისართა საბჭოში.

შენიშვნა. უკეთუ რესპუბლიკანური ფინანსთა სახალხო კომისარიატის მიერ დამტკიცებული ხარჯთაღრიცხვა ეწინააღმდეგება სსრ კავშირისა და ა/კსფსრ კანონმდებლობას, ა/კსფსრ სახალხო მეურნეობის გეგმებს ან მის ცალკე დარგებს და აგრეთვე ა/კსფსრ ფინანსთა სახალხო კომისარიატის სადირექტივო განმარტებებს, ეს უკანასკნელი შეიტანს ხარჯთაღრიცხვაში სათანადო ცვლილებებს.

5. უკეთუ ა/კსფსრ ფინანსთა სახ. კომისარიატში ან რესპუბლიკანურ ფინანსთა სახ. კომისარიატებში დადგენილ ვადაზე წარდგენილი სპეციალურ სახსართა ხარჯთაღრიცხვები საბიუჯეტო წლის დაწყებამდე აღნიშნული ფინანსთა სახალხო კომისარიატების მიერ, კუთვნილებისამებრ, დამტკიცებულ არ იქნება, — ხარჯის გაწევა ხარჯთაღრიცხვის დამტკიცებამდე შეიძლება სწარმოებდეს გაერთიანებული უწყების მიერ იმ თანხების ფარგალში, რაც გამოანგარიშებულია ა/კსფსრ ფინანსთა სახალხო კომისარიატისათვის წარდგენილ ხარჯთაღრიცხვის პროექტში, ხოლო რესპუბლიკების არაგაერთიანებული უწყებების



მიერ—იმ თანხის ფარგლებში, რასაც განსაზღვრავს ა/კსფსრ შედგენილობაში შემავალი სათანადო რესპუბლიკის ფინანსთა სახალხო კომისარიატი.

უკეთუ სპეციალურ სახსართა ხარჯთაღრიცხვას უწყება საბიუჯეტო წლის დამდგამდე არ წარადგენს, ა/კსფსრ ფინანსთა სახალხო კომისარიატი და ა/კსფსრ შედგენილობაში შემავალი რესპუბლიკების ფინანსთა სახალხო კომისარიატები წარუდგენენ სათანადო სახალხო კომისართა საბჭოებს მოხსენებას, რათა ამა თუ იმ დაწესებულებას ჩამოერთვას უფლება—იქონიოს სპეციალური სახსარი უწყებულ საბიუჯეტო წელიწადში.

17. უკეთუ ამა თუ იმ დაწესებულებას საბიუჯეტო წლის განმავლობაში მიეცემს უფლება იქონიოს სპეციალური სახსარი, იგი ვალდებულია, ერთი თვის განმავლობაში ა/კსფსრ სახალხო კომისართა საბჭოს სათანადო დადგენილების გამოცემის დღიდან, წარუდგინოს ა/კსფსრ ფინანსთა სახალხო კომისარიატს ან რესპუბლიკანურ ფინანსთა სახალხო კომისარიატს—კუთვნილებისამებრ, ამა დადგენილების მე-3, 4 და 5 მუხ. გათვალისწინებული წესით, სპეციალურ სახსართა საშემოსავლო და საგასავლო ხარჯთაღრიცხვა საბიუჯეტო წლის დარჩენილი დროისათვის.

8. უწყებათა სპეციალური სახსარი ინახება ფინანსთა სახალხო კომისარიატის საშემოსავლო-საგასავლო საღაროში ან სსრ კავშირის სახელმწიფო ბანკის დაწესებულებაში პროცენტთან მიმდინარე ანგარიშზე.

9. სპეციალური სახსარის დახარჯვა სრულიად უნდა შეეფერებოდეს ამ სახსარის დანიშნულებას დამტკიცებული ხარჯთაღრიცხვისა და ხელთ-ქონებულობის ფარგალში.

უკეთუ სპეციალურ სახსართა ხარჯთაღრიცხვით გათვალისწინებული შემოსავალი სრულად მიღებულ არ იქნა, უწყება ვალდებულია იხმაროს ღონისძიება ხარჯის სათანადო შემციობისათვის.

10. სპეციალურ სახსართა ნაშთი, რაც საბიუჯეტო წლის ბოლოს შესდგება, გადატანილ უნდა იქნეს შემდეგი წლის სპეციალურ სახსართა ხარჯთაღრიცხვის საშემოსავლო ნაწილში, უკეთუ სათანადო სპეციალური სახსარის შესახებ მიღებულ დადგენილებაში გათვალისწინებული არ არის ნაშთის სხვაგვარად მოხმარება.

11. რევიზიისა და კონტროლის გაწვევის მხრით სპეციალური სახსარი ექვემდებარება საერთო წესს, რაც დადგენილია სახელმწიფო ბიუჯეტით ვატარებულ სახსართათვის.

12. ა/კსფსრ სახალხო კომისართა საბჭოს 1925 წ. ივნისის 18-ის თარიღისა და 33 №-ის დადგენილება—უწყებათა სპეციალური სახსარის შესახებ—(ა/კსფსრ განკ. კრებ. 1925 წ. № 6, მუხ. 450)—გაუქმებულ იქნეს.

ა/კავ. მ. ენდერ. აღმასრ. კომიტეტის თავმჯდომარე **ს. აღამალი-ოდლი.**

ა/კსფსრ სახალხო კომისართა საბჭ. თავმჯდომარე **შ. ელიავა.**

ა/კავ. მ. ენდერ. აღმასრ. კომიტეტის მდივანი **ა. შავერდოვი.**

ტფილისის სახალფ. 1927 წ. ნოემბრის 15.

გამოქვეყნებულია „ზარია ვოსტოკა“-ს 1639 №-ში 1927 წ. ნოემბრის 30-ს.

